

PREGO DE CONDICIÓN PARTICULARES

Índice

- Artigo 1º. Disposicións xerais de aplicación
- Artigo 2º. Principios de acción preventiva
- Artigo 3º. Principios xerais aplicables durante a execución da obra
- Artigo 4º. Obrigas do coordinador en materia de seguridade e saúde durante a execución da obra
- Artigo 5º. Obrigas do contratista e do subcontratista
- Artigo 6º. Obrigas e dereitos dos traballadores
- Artigo 7º. Condicións dos medios de prevención
 - 7.1 Protección persoais
 - 7.2 protección colectivas
- Artigo 8º. Servizos de prevención
- Artigo 9º. Delegados de prevención e comité de seguridade e saúde
- Artigo 10º. Instalacións de hixiene e benestar
- Artigo 11º. Plan de seguridade e saúde

Artigo 1º. Disposicións legais de aplicación

Son de obrigado cumprimento as disposicións contidas en:

Real decreto legislativo 1/95 do 24 de marzo, texto refundido da Lei do Estatuto dos Traballadores.

Lei 31/95 do 8 de novembro sobre Prevención de riscos laborais (BOE 10/11/95).

Ordenanza xeral de Seguridade e hixiene no traballo (agás os títulos I e II derogados pola Lei 31/95). (Orde Ministerial do 09/03/71, BOE 16/03/71).

Plan nacional de hixiene e seguridade no traballo (Orde Ministerial do 09/03/71 (BOE 11/03/71).

Regulamento de Seguridade e hixiene na industria da construción (Orde Ministerial do 20/05/52, BOE 15/06/52).

Regulamento dos Servizos médicos de empresa (Orde Ministerial do 21/11/59, BOE 27/11/59).

Ordenanza de traballo da construción, vidro e cerámica (Orde Ministerial do 28/08/70, BOE 5, 7, 8 e 9/09/70).

Homologación de medios de protección persoal dos traballadores (Orde Ministerial do 17/05/74, BOE 29/05/74).

Regulamento de Explosivos (Real decreto 2114/78 do 02/03/78, BOE 07/09/78).

Regulamento Electrotécnico de Baixa Tensión (Orde Ministerial do 20/09/73, BOE (09/10/73).

Regulamento de Liñas aéreas de Alta Tensión (Orde Ministerial do 28/11/68).

Regulamento xeral de Normas básicas de seguridade mineira (Real decreto 863/85 do 2 de abril, e ordes anteriores aprobando as Instrucións Técnicas Complementarias, BOE 12/06/85).

Regulamento sobre Condicións técnicas e garantías de seguridade en centrais eléctricas e centros de transformación (Real decreto 3275/82 e ordes posteriores aprobando as Instrucións Técnicas Complementarias, BOE 01/12/82).

Convenio colectivo provincial da Construción.

Regulamento de Recipientes a presión (Real Decreto 2443/69 do 16/08/69, BOE 28/10/69).

Real Decreto 780/98 polo que se modifica o R.D. 39/97 do 17 de xaneiro. Regulamento dos Servizos de prevención.

Directiva 92/57 CEE do 24 de xuño.

Convenio n1 155 OIT de xuño de 1981 (ratificada o 26 de xuño de 1985).

Convenio n1 62 OIT do 23 de xuño de 1937 (ratificado o 23 de xuño de 1958).

Real decreto 1215/97 do 18 de xullo. Disposicións mínimas de seguridade e

saúde en equipos de traballo.

Real decreto 773/97 do 30 de maio. Disposicións mínimas de seguridade e saúde que utilizarán os traballadores de Equipos de protección individual.

Real decreto 1627/97 do 24 de outubro. Disposicións mínimas de seguridade e saúde en obras de construción (BOE do 25 de outubro).

Decreto 432/71 do 11/03/71 (BOE 16/03/71). Comités de seguridade e hixiene no traballo.

Real decreto 1495/86 do 26 de maio. Regulamento de Seguridade nas máquinas.

Reglamento 1316/89 do 27 de outubro de Protección dos traballadores fronte ós riscos derivados da exposición ó ruído.

Reglamento de Aparatos elevadores para obras. Orde Ministerial do 23/05/77 (BOE 14/06/77).

Ordenanzas Municipais.

Real decreto 485/97 do 14 de abril. Disposicións mínimas en materia de sinalización de seguridade e saúde no traballo.

Real decreto 486/97 do 14 de abril. Disposicións mínimas de seguridade e saúde en lugares de traballo.

Orde do 31 de agosto de 1987 sobre Sinalización, balizamento, defensa, limpeza e terminación de obras fixas fóra do poboado.

Lei 32/2006, reguladora da subcontratación no sector da construción.

Real decreto 1109/2007 que desenvolve a Lei reguladora da subcontratación no sector da construción.

Lei 20/2007, do 11 de xullo, do Estatuto do Traballador Autónomo.

Lei 9/2004 de seguridade industrial en Galicia.

Todas aquelas normas UNE e ISO que sexan de obrigado cumprimento.

Artigo 2º. Principios de acción preventiva

Os principios xerais que se terán en conta serán:

a) Evitar riscos

b) Avalia-los riscos que non se poden evitar

c) Combate-los riscos na súa orixe

d) Adapta-lo traballo á persoa, en particular no que respecta á concepción dos postos de traballo, así como á elección dos equipos e os métodos de traballo e de produción con miras, en particular, a atenua-lo traballo monótono e repetitivo e a reduci-los efectos deste na saúde

- e) Ter en conta a evolución da técnica
- f) Substituí-lo perigoso polo que entrañe pouco ou ningún perigo
- g) Planifica-la prevención, buscando un conxunto coherente que integre nela a técnica, a organización do traballo, as condicións de traballo, as relacións sociais e a influencia dos factores ambientais no traballo
- h) Adoptar medidas que antepoñan a protección colectiva á individual
- i) Da-las debidas instrucións ós traballadores

Así mesmo:

- O empresario tomará en consideración as capacidades profesionais dos traballadores en materia de seguridade e de saúde no momento de encomendarlles as tarefas

- O empresario adoptará as medidas necesarias para de garantir que só os traballadores que reciben información suficiente e adecuada poidan acceder ás zonas de risco grave e específico

- A efectividade das medidas preventivas preverán as distraccións ou imprudencias non temerarias que puidese acomete-lo traballador

Artigo 3º. Principios xerais aplicables durante a execución da obra

Os principios que se recollen no artigo anterior aplicaranse durante a execución da obra, especialmente as seguintes tarefas ou actividades:

- a) O mantemento da obra en bo estado de orde e limpeza
- b) A elección do emprazamento dos postos e áreas de traballo, tendo en conta as súas condicións de acceso, e a determinación das vías ou zonas de desprazamento ou circulación
- c) A manipulación dos distintos materiais e a utilización dos medios auxiliares
- d) O mantemento, o control previo á posta en servizo e o control periódico das instalacións e os dispositivos necesarios para a executar a obra, co obxecto de corrixi-los defectos que puidesen afectar á seguridade e saúde dos traballadores
- e) A delimitación e o acondicionamento das zonas de almacenamento e depósito dos distintos materiais, en particular se se trata de materias ou substancias perigosas
- f) A recollida dos materiais perigosos utilizados
- g) O almacenamento e a eliminación ou evacuación de residuos e entullos
- h) A adaptación, en función da evolución da obra, do período de tempo

efectivo que terá que dedicarse ós distintos traballos ou fases de traballo

i) A cooperación entre os contratistas, subcontratistas e traballadores autónomos

1) As interaccións e incompatibilidades con calquera outro tipo de traballo ou actividade que se realice na obra ou cerca do lugar da obra

Artigo 4º. Obrigas do coordinador en materia de seguridade e saúde durante a execución da obra

O coordinador de seguridade e saúde durante a execución da obra, ou a Dirección Facultativa no seu caso, deberá desenvolver as seguintes funcións:

a) Aprobar o plan de seguridade e saúde elaborado polo contratista e, no seu caso, as modificacións introducidas neste

b) Adopta-las medidas necesarias para que só as persoas autorizadas poidan acceder á obra

c) Coordina-las actividades da obra para garantir que os contratistas e, no seu caso, os subcontratistas e os traballadores autónomos apliquen de maneira coherente e responsable os principios de acción preventiva

d) Organiza-la coordinación de actividades empresariais cando no mesmo centro de traballo desenvolven actividades, traballadores de dúas ou máis empresas

Coordina-las accións e funcións de control da aplicación correcta dos métodos de traballo.

Respecto ó libro de incidencias:

1) Visar o dito libro no colexio profesional que vise o proxecto de execución de obra ou, no seu caso, pola correspondente oficina de supervisión de proxecto

2) Utilizar o dito libro para fixar as incidencias de seguridade que poidan ir xurdindo ó longo da obra

Artigo 5º. Obrigas do contratista e do subcontratista

1 Cumprir e facer cumprir ó seu persoal o establecido no plan de seguridade e saúde.

2 Adopta-las medidas necesarias en orde á máis perfecta organización e plena eficacia da debida prevención dos riscos que poidan afectar á vida, integridade e saúde dos traballadores ó servizo da empresa.

3 Promover canto fose preciso tanto para o mantemento das máquinas, ferramentas, material e útiles de traballo nas debidas condicións de

seguridade como para o normal funcionamento dos servizos médicos, instalacións sanitarias e servizos de hixiene para os traballadores da empresa.

4 Facilitar gratuitamente ós traballadores os medios de protección persoal de carácter adecuado ós traballos que realicen.

5 Velar pola práctica de recoñecementos médicos, iniciais e periódicos ós traballadores, conforme ó establecido nas disposicións.

6 Observar con todo rigor e exactitude as normas vixentes relativas a traballos prohibidos a menores, e impedi-la ocupación dos traballadores en máquina ou actividades perigosas cando estes sufran doenzas ou defectos físicos tales como epilepsia, cambras, vertixes xordeira, anomalías de visión ou outros análogos, ou se atopen en estados ou situacións que non corresponden ás esixencias psicofísicas dos seus respectivos postos de traballo.

7 Establecer aquelas canles constantes que, en calquera momento, permitan obter unha información adecuada sobre os defectos de prevención que se produzan e os perigos que se advirtan.

8 Fomenta-la cooperación de todo o persoal ás súas ordes para mante-las mellores condicións de seguridade, saúde e benestar dos traballadores da empresa.

9 Promove-la máis completa formación en materia de seguridade e saúde no traballo do persoal directivo, técnico, mandos intermedios e traballadores ó servizo da empresa.

10 Facilitar a instrución adecuada ó persoal antes de que comece a desempeñar calquera posto de traballo, acerca dos riscos e perigos que nel poidan afectarlle, e sobre a forma, métodos e procesos que deben observarse para prevelos ou evitalos.

11 Cumprir a normativa en materia de prevención de riscos laborais a execución da obra.

12 Informar e proporciona-las instrucións adecuadas ós traballadores autónomos sobre tódalas medidas que teñan que adoptarse no que se refire á súa seguridade e saúde na obra.

13 Atende-las indicacións e cumpri-las instrucións do coordinador en materia de seguridade e da saúde durante a execución da obra ou, no seu caso, da dirección facultativa.

14 Cumpri-las disposicións mínimas do Anexo IV do R.D. 1627/97 durante a execución da obra.

Artigo 6º. Obrigas e dereitos dos traballadores

De acordo co artigo 29 da Lei de prevención de riscos laborais, os traballadores están obrigados expresamente a:

1 Velar, segundo as súas posibilidades e mediante o cumprimento das medidas de prevención que en cada caso sexan adoptadas, pola súa propia seguridade e saúde no traballo e pola daquelas outras persoas ás que poida

afectar á súa actividade profesional, a causa dos seus actos e omisións no traballo, de conformidade coa súa formación e as instrucións do empresario

2 Os traballadores, con arranxo á súa formación e seguindo as instrucións do empresario, deberán en particular:

- Usar adecuadamente, de acordo coa súa natureza e os riscos previsible, as máquinas, aparellos, ferramentas, substancias perigosas, equipos de transporte e, en xeral, calquera outro medio cos que desenvolven a súa actividade

- Utilizar correctamente os medios e equipos de protección facilitados polo empresario, de acordo coas instrucións recibidas deste

- Non poñer fóra de funcionamento e utilizar correctamente os dispositivos de seguridade existentes ou que se instalen nos medios relacionados coa súa actividade ou nos lugares de traballo nos que esta teña lugar

- Informar de inmediato o seu superior xerárquico director, e ós traballadores designados para realizar actividades de protección e de prevención ou, no seu caso, ó servizo de prevención, acerca de calquera situación que, baixo o seu xuízo entrañe, por motivos razoables, un risco para a seguridade e a saúde dos traballadores

- Contribuír ó cumprimento das obrigas establecidas pola autoridade competente co fin de protexer-la seguridade e a saúde dos traballadores no traballo

- Cooperar co empresario para que este poida garantir unhas condicións de traballo que sexan seguras e non entrañen riscos para a seguridade e a saúde dos traballadores

Polo que se refire ós dereitos:

1 Os traballadores teñen dereito a unha protección eficaz

2 Teñen dereito a unha información adecuada de tódalas medidas en materia de seguridade e saúde que teñan que adoptarse

3 Teñen dereito a formación en materia preventiva

4 Teñen dereito a coñecer-lo plan de seguridade e saúde

Artigo 7º. Condicións dos medios de prevención

Tódalas pezas de roupa de protección persoal ou elementos de protección colectiva terán fixado un período de vida útil e desbotaranse ó seu termo.

Cando polas circunstancias do traballo se produza un deterioro máis rápido nunha determinada peza de roupa o equipo repoñerá esta, independentemente da duración prevista ou data de entrega.

Toda peza de roupa ou equipo de protección que sufrise un trato límite, é dicir, o máximo para o que foi concibido (por exemplo, un accidente), será

desbotada e reposta ó momento.

Aquelas pezas de roupa que polo seu uso adquirisen máis folguras ou tolerancias das admitidas polo fabricante serán repostas inmediatamente.

O uso dunha peza de roupa ou equipo de protección representará un risco en si mesmo.

7.1 Proteccións persoais

Todo elemento de protección persoal axustarase ás normas de homologación do Ministerio de Traballo (O.M. 17/05/74, BOE 29/05/74).

Nos casos no que non exista norma de homologación oficial serán de calidade adecuada ás súas respectivas prestacións.

7.2 Protección colectivas

Pórticos limitadores de gálibo: disporán de lintel debidamente sinalizado.

Valados autónomos de limitación e protección: terán como mínimo 90 cm de altura e estarán construídos a base de tubos metálicos. Disporán de apoios para mante-la súa verticalidade.

Tope de desprazamento de vehículos: poderanse realizar cun par de taboleiros, fixados ó terreo por medio de redondos fincados a este, ou doutra forma eficaz.

Redes: serán de poliamida e as súas características xerais serán tales que cumpran, con garantía, a función protectora para a que están previstas.

Cables de suxeición de cinto de seguridade, as súas ancoraxes, soportes e ancoraxes de redes: terán suficiente resistencia para soporta-los esforzos a que poden ser sometidos de acordo coa súa función protectora.

Corredores de seguridade: poderán realizarse mediante pórticos con pés dereitos e lintel a base de taboleiros firmemente suxeitos ó terreo e cuberta callada de taboleiros. Estes elementos poden ser metálicos: pórticos a base de tubo ou perfís e a cuberta de chapa.

Varandas: disporán de listón superior a unha altura de 90 cm. de suficiente resistencia para garanti-la retención de persoas e levarán un listón horizontal intermedio así como o correspondente rodapé.

Lonas: serán de boa calidade e de gran resistencia á propagación da chama.

Interruptores diferenciais e tomas de terra: a sensibilidade mínima dos interruptores diferenciais será para o alumado de 39 mA. e para forza de 300 m2 A resistencia das tomas de terra non será superior á que garanta unha tensión máxima de 24 V., de acordo coa sensibilidade do interruptor diferencial. Medirase a súa resistencia periodicamente sobre todo na época máis seca do ano.

Extintores: serán axeitados no que respecta ó axente do extintor e ó tamaño e

tipo de incendio previsible. Revisaranse cada 6 meses como máximo.

Medios auxiliares de topografía: os elementos auxiliares como cintas, marcos, etc, serán dieléctricas para evita-lo risco de electrocución polas liñas eléctricas.

Artigo 8º. Servizos de prevención

A empresa construtora deberá designar un ou varios traballadores coa capacidade necesaria; constituirá un servizo de prevención ou concertará o dito servizo cunha entidade allea á empresa, todo isto en cumprimento do deber de prevencións de riscos profesionais.

A empresa disporá de servizo médico propio ou mancomunado.

Artigo 9º. Delegados de prevención e comité de seguridade e saúde

Designarase un delegado de prevención de acordo co previsto na Lei de prevención de riscos laborais.

Constituirase o comité de seguridade e saúde cando o número de traballadores sexa superior a 50 ou, no seu caso, o que dispoña o convenio colectivo provincial.

Artigo 10º. Instalacións de hixiene e benestar

O empresario está obrigado a facilitar ós traballadores as instalacións de comedores, vestiarios, servizos sanitarios, ben sexa en instalacións propias ou en establecementos hostaleiros da zona.

Artigo 11º. Plan de seguridade e saúde

O contratista está obrigado a redactar un plan de seguridade e saúde e adaptará este estudo ós seus medios e métodos de execución, coa correspondente xustificación técnica, sen que poida implicar diminución do importe total nin dos niveis de protección contidos no estudo.

A Estrada, 6 de setembro de 2013

O enxeñeiro técnico municipal.



Ramón Brea Villaverde